



UKA 2017/31  
6. novem. 2017  
Debora Kleist

**Apeqqueteqaat aallaavigalugu Inatsisartut oqallinnissaannik siunnersuut, una pillugu: Nunatta napparsimaviini katsorsaasoqarnikkut maannakkut siunissamilu amerlassutsitigut ikinnerpaaffiliisimanerput qanoq iliorluta naammassineqarnissaa qulakkeersimassavarput.**

(Inatsisartuni ilaasortaq Jens-Erik Kirkegaard, Siumut)

Siullermik Oqallisissiamut soqutiginaratumut saqqummiussisoq Jens-Erik Kirkegaard Inuit Ataqatigiinit qutsaviginiarparput.

Inuiaqatigiit peqqissuunissaat pingaaruteqarpoq, inuttut nammineq akisussaaffigaarput peqqissuunissaq. Taamaattorli aamma pisortaniit isumagineqarnis-sarput pisariaqartipparput, soorlu peqqinnissaqarfimmiit pitsaassumik sullinneqarnissaq.

Pitsaassumik sullinneqarsinnaaneq sulisunik pikkorissunik, ilinniarluarsimasunik aammalu aalajaatsunik sulisoqarnissaq pingaarluinnarpoq.

Ajoraluartumillu nunatsinni ukiuni arlaqalersuni nakorsassaaleqineq takornartaanngilaq, tamannalu ajornartorsiut nunani allani aamma nalaanneqariartuinarnera tusagassiutigut tusarsaavoq.

Ilisimaaraarpummi nakorsat amerlasuut ullumikkut immikkut ilisimatusarsimalutik ilinniagaqartuusut, taakkulu ilinniakkamik ulluinnarni sulinerminni atorluarnissaa, ineriartortittuarnissaalu kissaatigisarmassuk tupinnanngilaq. Aammataaq oqaatigineqartarpoq ullumikkut nakorsatut ilinniagaqarsimasut nunat mikisut inukittullu ajoraluartumik ornissallugit kajungerinngikkaat pileriginagillu.

Taamaasilluni nunarput isorartooq innuttakitsorlu ullumikkut siunissamulli anertuumik nakorsassaaleqinermut unammilligassaqarpoq imaannaanngitsumik. Sulisussarsiornermi ilaatigut akissarsianut, ineqarnermut, ilaqutariinullu atugas-sarititaatut isiginiagassa at ilagagilluinnassagaat isumaqarpugut.

Avataanniit nakorsat suliarortartussat suliarortartullu allatut aqissuusinnikkut sulissutigineqarsinnaavoq, Danmarkimiit kisimi sulisussanik qinnuteqartitsinani kisialli nunanut allanut suleqatissarsiornerulluni. Taama suliniuteqartoqassap-pat oqaatsit aporfioqqunagit nutserinnikkut atorfinitsitsinerit, sulisunillu pikkorissaanerit piareersarluarnerlu periarfissat ilagisinaagaat takorloorsinnaavarput.

Ullumikkut nunatsinni nakorsassaaleqinerup avaataatigut aamma nakorsat nikerarnerujussuat sullissinermut annertuumik kallaasinnaasarpog. Ilaatigut ajoraluartumik nunaqatitta Qallunaat Nunaanut imaluunniit nunanut allanut nuunnerannik kinguneqartartumik, tamanna tusagassiutitigut oqaatigineqartarpog. Tamannalu ajuusarnarluinnartutut isigisariaqarpog. Qanorlu iliorluni pina-veersaartinneqarsinnaanera suliniutigineqarsinnaasog isumaqarpugut.

Qanoruna killiffeqaraangamik nunaqatigut nuutariaqarlersartut? Periarfissaritaasut, nappaat pillugu, imaluunniit immikkuullarissumik ikiorneqarnissaq pis-sutigalugu nuutariaqartarpat? Paasissutissanik pigisaqarnissaq ilisimasaqarnis-sarlugu pingaaruteqarpog.

Peqqinnissaqarfimmi aqqissuusineq allaanerusog isiginiartariaqalernerlu-tigu. Soorlu suleqatigiissitaliortoqassanerpa siunissami qanoq iliorluni nakorsas-saaleqinerup akiorniarneqarnissaanut suliaqartussanik, taamatuttaaq illoqarfinni mikinerusunik nakorsaqaanarnissaamik suliniuteqartussanik.

Inatsisitigut sinaakutassanik suliaqarnissaq periarfissaasava – immikkoortorta-fiit akimorlugit qanimut suleqatigiinikkut ajunnginnerpaamik angusaqarnissa-mik suliaqarneq.

Peqqinnissaqarfimmi sulisuusut aallartitai peqatigalugit isumasiortitsinerit, nalilersuine-rit, avitseqatigiinerit aqutissat ilagilluarsinnaavaat.